

# Ханты эви мастер спорта России нэман маса

Хасям лапатан Тазовский вошан ЯНАО Кубок северной многоборье сирн касты хоятат яха уйтанысат. Тазовской, Пуровской, Ямальской, Приуральской районат, Пулцават па Надым вошдан элты нийлгьяң педа хут хоят вет дисциплина хуват касты ёхтыдысат.

Там пуш си касасайн Волноваха вош элты делегация ёхтылдыс, вет няврэм па касты уталтаты хоятэд. Ёхтылдым няврэмат Овс мувеван ГТО нормайт масат па хоты тынщаң сува ёвалты мосад торды мастер-класс вантсат.

Касасайн улам энамты ёх, тынщаң сува ёвалты, юх пидан хухалты, ухал шоши наварматы, лайм хува ёвалты па хулам пуш наварматы тумпийн, этнобиатлон хося пидтасьсат. Вет касасайн олаң, кимет па хулмет тахая этам нэңат па ёх хоятат нэман ястасайт па мойдаптасайт.

Овс мув няврэмлудв кашң порайн олаң тахаята этдылат, антом туп хон мувеван па муватан шоши мир мувев нох паятгдэл, ялап рекордат альдат. Северной многоборье хося округ касты няврэмат уталтыты хоятат ун онтас вердат. Ин си ашкудая нялсот хоят яңхал, ветгьяң – мастер спорта нэм тайлат.

Там касаспа пуншаман, Овкуртан эннам эви Ксения Пугурчина мастер спорта России нэман маса, мойдапсайн юконтса. Лув



Хор: Ксения Пугурчина

округ сборная хося лоңман уд. Муңева па каматса ясаң верас: «Ма Пулцавт вошан Ямальской многопрофильной колледжан уталтыдам, физкультура урок туты хоята питдам. Ялап талан уталтыты етшалам. Северной многоборье сирн ашкулайн уталтытем порайн касты питсам. Александр Семёнович Конев муңев уталтас. Пенсияя манмал юпийн, Василий Сергеевич Лонгортов муң пилэван рупитас. Пулцавт вошан Денис Сергеевич

Лонгортов манэм тамась касасаята лэсята.

Хасям талдан Красноярск вошан ай кер тыдасян олаң местиа этсам, хольмаң педа лапат пуш тынщаң сува ёвалмасам. Си ураңан си мойдапсайн юконтсайн. Там пуш холна там манты касасайн кимет тахая этсам.

Ун пумасипа аңкема-асема ястаты утсидам. Лув па Вуды ёх емаң хатлатан кашң порайн каслат, мойдапсайт шитлат. Ма ай пора элты ар хорпи касасаятан пидтасьсам.

Артём шуңат па Алексей яйңалам манэм тынсяң ёвалты уталтасан. Артём ун яем СВО хося антома йис. Муң лувел нэмотты порайн ант ёрэмалэв, муң самлудван век кеша хасял».

Симась касасайт си ураңан вердайт, округев кашң район элты касты хоятат яха ат ёхтыдысат, Овс мув касты верлудв, шоши мир ёх улапсайлудв шависэл па елды тусэл, касты тахайн ялап рекордат этадтысат.

Альбина Тырлина ханшам потар

## Дорогие ямальцы!

Поздравляю вас с Днём народного единства!

Ямал всегда был и остаётся домом для людей разных национальностей и культур, которых объединила общая цель – развитие Арктики. Именно здесь, в суровых условиях, мы особенно остро чувствуем ценность взаимопомощи, уважения и крепкого плеча товарища, на деле знаем, что такое быть вместе. Север научил нас доверять друг другу, преодолевать трудности и радоваться общим успехам.

Сплочённость, верность традициям и любовь к Родине помогают нам уверенно смотреть в будущее и работать на благо Ямала и всей России. Мы строим дома, школы, больницы, вместе поддерживаем наших защитников, восстанавливаем Донбасс. Это и есть настоящее народное единство – не на словах, а на деле. Сегодня особенно важно помнить: только сообща мы сможем сохранить мир, обеспечить безопасность и создать достойное будущее для наших детей.

Земляки! От всей души благодарю вас за вклад в развитие Ямала и желаю крепкого здоровья, мира и благополучия!

Губернатор  
Ямало-Ненецкого  
автономного округа  
Д.А. Артюхов

## Уважаемые ямальцы!

Поздравляю вас с Днём народного единства!

Этот праздник, наполненный глубоким историческим смыслом, олицетворяет идею национального согласия и сплочённости вокруг ценностей патриотизма и служения Отечеству. Он ведёт отсчёт от героических событий 1612 года, когда единение всех сословий и народов позволило отстоять независимость и суверенитет Российского государства. Сегодня эта историческая правда обретает для нас особое звучание. Как и четыре столетия назад, прочная связь поколений, верность традициям предков и общая ответственность за судьбу страны являются надёжной основой для развития и процветания нашей Родины. На Ямале, где веками бок о бок живут представители разных национальностей и культур, мы особенно ясно понимаем силу единства и взаимопонимания.

От всей души желаю вам, дорогие земляки, крепкого здоровья, мира, благополучия и новых успехов в труде на благо нашей великой Родины! Пусть согласие и взаимное уважение всегда остаются главным достоянием нашего многонационального народа!

Председатель  
Законодательного Собрания  
Ямало-Ненецкого  
автономного округа  
С.М. Ямкин



Хор: tazsport.yanao.ru

# Мув суңев верат элты потар манас

Москва вошан хон мув куца Владимир Путин Ямал мув губернатор Дмитрий Артюхов пидан уйтантыйс. Дмитрий Артюхов регионан манты верат элты потартас, экономика, хоятат улапса элты айкел верас.

Округ куца ясаң элты, хащам тал Ямало-Ненецкий автономный округан верат яма мантсат: «Ямал хон мув экономика ун онтас верал. Мув шув, мув тут йиңк муң округеван артан мошталда. Щи онтасан социальной сферин верлуд кашң тал сис ямашак манты питсат. Мув суңев няврэм сэмапитты веран хон мувев кутан худмета питас. Каматса тал сайн Овс



Хор: Кремлин.ру

мувев ши веран олаң тахаята ант этлыйс.

Ин муң мувеван нийл ялап ашкуда омасты верат манлат, холна хут капитальной ремонтан верда. Тал сис

ар няврэмаң хоттэл худам пуш арашак йис. Лув округ элты нётоп тайлат, улты хотан маты, хот омасты нётоп ёша пайтты дувилал кеншак. Ямалан хоятат ну-

шая ант ат улдат, муи иса верла па тыйлтада.

Няврэм тайты лэщатыты, лаварта улты нэчат леккаратан лэраплайт, генетической обследованийн вердайт. Айтэдан парты няврэм округеван ищи шимла йис, щит шеңк ям.

Кашң ай куртан, вошан хоятата систам йиңк йинцты ураңан, йиңк сыстапты ялап мутрайт лэщатлайт.

Шоши мир улапса елды туты хоят молты кеман арамас. Хоятлув яма улты ураңан, муи верат нопса понтсув, иса верты ун юр пондув. Щитан яма елды улапсаев ат манал».

Валентина Рохтымова ханшам потар

## «ЯНАОлимп» сертификатат шитам няврэмат

Округеван хутъяң педа нял уншак классатан уталтыты няврэм хон мувеван манты ашкуда олимпиадаята лэщатыты питлайт. «ЯНАОлимп» сертификат шитты ураңан худамсот педа хольмаң кат няврэм касас.

Нох питам няврэмат кутан улдат эвет па похат, хой хон мув олимпиадаятан, научно-

технической проектатан касас, «Большие вызовы» проектан мойдапсайт шитылдыйс.

«Касапсаятан па олимпиадаятан нох питам няврэмат шитам нётапсаел елды педа уталтыты юшел пуншас. Ин ат уятсат, холта уталтыты манты утсилат.

Эвет па похат «ЯНАОлимп» сертификат хуват па регионатан уталтыты верэд сохаштаты

верылдат. Хон мув университетата па научной центрата яңхты па вантты, волаң наставникат пидан рупитты. Си юпийн елды уталтыты тахаел пирыты», – ЯНАО образование региональной институт развития лаңкар ху Станислав Ивженко ясаң верас.

Кашң тал округ няврэмат ураңан ар хорпи олимпиадайт, проектат, стажировкайт верман

улдат. «ЯНАОлимп» сертификат программа «Ямал-территория детства» программа хуват 2021-мет тал элты манал. Каматса тал сис 228 няврэм симась нэпек шитсат. Си онтасан мет ошаң, нопсаң няврэмат хон мув вошатан верты уталтыты харата, хон мув университетата яңхты верылдат.

Альбина Тырлина ханшам потар

## Тут йиңк туты пора етшаптаса

Округев хуват ай куртата тут йиңк туты пора етшаптаса. Лорвош район Горка воша ёхи хасям рейс верман ус. Тохи сёрс молтас тонна дизельной топлива туса.

2025-мет тадан луң сис Ямал мувев ёханат хуват едан улты куртата хутъяң тонна мув тут йиңк (нефтепродукт), худамхосьяң сёрс тонна лавам па сёрс катсот педа ветъяң кубической метра юх ёхтаптаса.

Си мосты пормасат тал пора сис ашкудаята, леккар хотата, ай няврэм хотата яңхты щуциета па куртаң хоятата хошам мадат.

Красноселькупской, Надымской, Приуральской, Пуровской, Тазовской, Лорвош па Ямальской районатан улты

хольмаң педа нийл улты таха газовой конденсатан, бензинан, войн, лаваман, юхан, «Арктическое» па «Зимнее» дизельной топливайн тусайт.

Си вер каматса ятан манал. Туп йиңк хуват катърат яңхты пора ёхатал, Лорвош, Приу-

ральской па Ямальской районата олаң йиңк хуват мосты пормасат китлайт. Мет олңа сора йиңкал сорты ёханатан улты куртата каслапталайт.

Уйт па унт лор тыласьнанан мосты пормасат Красноселькупской, Пуровской, Тазовской па

Ямальской районата китлайт. Унт лор тыдась хасям хатлат элты па ёханат пентты унты Мыс-Каменной, Сеяха па Гыда куртата тулайт.

Округ куртата мосты пормасат ёхтаптаты вер АО «Ямал-госснаб» операторан тула. ЖКХ предприятияйт мосты нэпеклад лэщатлат, округ правительствайн ПАО «Газпром» па ПАО «Газпром нефть» пидан соглашение нэпек лэщатлат.

Тунял Ямал мув ай куртата 65 тонна нефтепродуктат, кахосьяң сёрс лапатсот тонна лавам па 1700 кубической метра юх.

Альбина Тырлина ханшам потар



Хор: dzen.ru

# Энамты ёх айкел верты уталдысат

**Хащам щутщаты хатлатан Пулцавт вошан айкел верман рупитты энамты ёх яха актащисат. «Медиамена» форум-фестиваля округеван рупитты, хон мув па вошатан уталдыты мохет айкел лэщатты вер педа уталдыты па муй хошлат эталдыты пилтащисат.**

Хулам хатл сис «Полярис» каш хотан энамты ёх яха ёхтылдысат. Лув урацдалан мастер-классат, лекцияйт мантсат. Айкел верман рупитты ёха, пресс-секретарята, блогерата, медиа-контентат верты хоятата эталтаса, хоты хорат, нёхты хорат верты, хоты айкел ханшты, потарты мосал. Ванты, хоят мохты номас оша ат паятсалды, щи тумпийн каш луцатты, хулантты, вантты ат ус.

«Ямолод» медиакомандайн рупитты нэ Ирина Придлужная ёхатты хоятата «Телеграм» мессенджер хуват айкел верас, хоты па хота актащты. Одац хатл, фестиваль пуншам юпийн, щи каркам па нопсац нэ потар тус: «Ма «Ямолод» проектат пидан 2021 мет тал элды рупитдам, «Время молодых» премияйн мойдаптыман усам, Россия мув энамты ёх пидан мет яма рупитты хоят лунтаслам.

Муц рупатаев щит анта туп

хор верты па ханшты. Айкел верты хоят онтасан, хоятат уятдат, муй муван тыйл. Щишан щиты номас хоятата эталдыты мосал, хоты лудан нац щи вер тыйм порайн усан, хоты нэрысан. Хун ханшты хоятад ар номас, щазц рупатаяла понал, айкел ямас луцтасал».

Там «Медиамена» 2016-мет тал элды верты питтаса. Ин щи проект онтасан яцмет пуш айкел лэщатты энамты ёх уйтантысат. Ямалоненецкий автономный округ энамты ёх департамента лоцам ёх щимацц вер тыйлгтасат.



Хор: Сергей Зубков

нейросеть пидан рупитты, муй хорпи серверат хуват тохи лоцты, хорам хор верты, ошац потар ханшты урацан, муй ханшты. Рупатаев урацан ар ям вер, мутра вантсам, хулантсам.

Манэман, тамац уйтантопсайт верыдыты мосал. Па мув хоятат пидан яха ёхтылдыты, ар ялап айкел худты. Мосац хой хоятат пидан елды ултыйн рупитты питдам», – уйтантопсая ёхтылдым, Пулцаватан «Няръяна Цэрм» газета верман рупитты нэ Анна Яптик каматса ясац ястас.

Валентина Рохтымова ханшам потар

«Ма там уйтантопсайн нёхты хорац лекцияйт хулантты яцхсам. Оша пайтсам, хоты

**ОБЪЯВЛЕНИЕ**

**ДЕНЬГИ БОЛЬШЕ НЕ ТВОЯ ПРОБЛЕМА**

**5 300 000**  
РУБЛЕЙ В ГОД

**2 600 000**  
РУБЛЕЙ ЕДИНОВРЕМЕННО

**ПРИ ЗАКЛЮЧЕНИИ КОНТРАКТА НА ЯМАЛЕ**



Там QR-код хуват лоцаты па вантаты, муйсыр нётопсайт СВО хоца улты мохета малайт. Щи тумпийн нэцдала, няврэмдала, ацкидала па ащилала ищи нётопса вуты рахал.

**Айкел соращак моцатты урацан**



# Вуды яммалман ар тал рупитас

Ямал муван рупитты вой леккарат ун емаң хатл постасат. Ямал ветеринарной служба сот тада йис. Щи хатл кеша войлүв яммалты вешкат па дэпат самаң хоята-та мойлапса ясаң китлүв. Ойңа, пищаңа, нуптаңа ат улдат, яммалты войдал иса тумтака ат йидат!

Там потар ма антем Таисья Ильинична Рохтымова элты тулэм. Лүв хус молтас тал тащ хотатан вуды леккара рупитас. Вудэң хоятат хоща энмас, щипан вудыет кашң муш шияламан самад хошийс, щипан щимащ рупата пирыйс – кашң хошты воя нётты, ант ат мушитлат.

Таисья Ильинична Рохтымова, эви опрац нэмал Лонгортова, 1955-мет талн курк тылащ яңмет хатадан Айкуртан сэма питас. Лорвош районан, Овкурт элты Щаня ёхан нохды щипа курт ул. Мосаң холна каматса хатла алаңшак сэма питас. Хоты антем ястас: «Щипа пораятан сэма питты няврэм мохты воша ант тула. Хун антилүв, ащилүв кум шитлат, щипа порайн тутдысаюв. Хун воша ёхатсув, щипа хатл щипа нэпека ханшсаюв. Антем потартыйс, ма щипа порайн тылащ доват няврэма ювмем».

Ай порайн антем Айкуртан ун ащел па ун антел хоща энмас. «Холна онтапан одмем порайн, ун ащеман нэңатухал элты алэмасайм па тусайм. Ванты, щипа порайн ун ащем па ун антем утца усңан, пил дынан мосас, каш пара хайты ат ус», – антем элты хулдысам.

Таисья Ильинична уталтыты довата ювмалдан, Овкурта ашкулдая туса, щипа интернатан энмас. Уталтымал сыс иса каркама ус, яма уталтыйс.

Ашкуда юпийн, вой леккара антем Зооветеринарный техникуман Пулцаватан 1972-1977-мет талатан уталтыйс. Мет олңа лув Ярсалинской совхозан рупитты питыдыйс, нийд тылащ нюрам муватан яңхас. Щипа

юпийн ащел шуңат Илья Ефимович Лонгортов пилан кат тал тащ хотан яңхас, чумработница ус.

1980-1981-мет талднан Тюмень вошан Бухгалтерата уталтыты хотан (Школа бухгалтеров) бухгалтер по животноводству специальность пела уталтыйс.

Таисья Рохтымова уталтыйм юпи вердал элты тамиты ястыдыйс: «Утылтыты етшасам па Мужеи совхозан нормировщика рупитсам,



Апщилал пилан Ханты-Мужийн антел Елена Андреевна Лонгортова (Тогачева) энмам хот пуңалан.

экономистат пилан. 1988-мет талдан Мужеи вош совхозан вуды леккара рупитты питсам. Щипа порайн семейный подряд щипан рупитсув. Яйдам, апщилам пилан яха яңхасув».

Антем ащем Геннадий Ильич Рохтымов шуңат пилан 1989-мет талдан яха мантсаңан. Щипа пара элты вуды хотан ар тал яха яхсаңан. Щипа талат сыс Таисья Ильинична МСП «Мужевское» яртъяңмет, щалта дэпатмет, мет юхат хутмет тащан вуды леккара ус. Щипа лув 2009-мет тал унты вуды мушат яммалтас. Хоты ма ай пара



Таисья Ильинична Рохтымова

элты нумлэм, хун вудэт пушаса воштасайт, антем иса щипа рупитас: вудэта портун понас, нюлмат яммалтас, вудэт лүңтас па сохда ханшас.

Щипа тумпийн тащ хотан яңхал хуват, ар авкка энмалтас. «Ющ кеват хоща мушмалтыты, антилы хащты ай суоват пела вантман, щикем лувилал щаль. Ёхи щипа вудлам, айн-айн сус унты энмалдалам, щалта таща эсалдалам», – авккайдал элты антем ястыдыйс.

Тащ хотан антем па ащем 2012-мет тал унты яңхсаңан. Щалта Овкурт вошан улты хащсаңан. Худам няврэм энмалсаңан – Руслан, Валентина па Иван. Иван ищипа вуды леккара каматса тал МСП «Мужевское» хутмет тащан ветфельдшера рупитас. Лув ГБПОУ ЯНАО «Ямальской полярной агроэкономической техникуман» няд тал уталтыйс. Ин Овкурт ашкулдайн рупитал.

Антем вуды мушат лечитты вердал такды, шеңк туса ёнтасал. Лув ёнтам сохдалан шеңк умах яңхты, хорам ханшең сахан, ернасан карыты каш, сыдаң вайн, пунан кеншан хошам па дэпат.

Вошан улты питмалдан холна йи вер самаңа тайдалды – сохам элты хоптанат, милат, вайт сэвал. Ханты, руц ханшийн сэвалдалды па вантты умах.

Щипа тумпийн Таисья Ильинична каматса тал «Щаня ёх» ханты фольклорный ансамбль хоща арийс па якас. Щипа апраң нэңат пилан хон мувев ар мув суңата яңхас.

Анти, иса тумтака уда, тус ёлэн елды ат манал, вудыдан тумтака ат хухатдылат!



Таисья Ильинична хоттэл хоятлал пилан.

Валентина Рохтымова ханшам потар

# Силава курт йис улапса нумман

Ши шутцаты тахаед куца нэцев Ольга Александровна Актаева дый хоцаед ёхтыдыты мойң хоятата «Силава» нэмпи тахаед элты, хоты катра пораятн Конда мув охалят усат, иса арсыр айкедат япсыена тул. Ши порайн ияха ёхтам хоятат елпийн Конда мув охаль поэтеса Алла Копьева лув рут мувал элты хорасаң луңтар луңтас.

Умаш луңтар хулантмед юпийн, Ольга Актаева киникайт ханшты ёхлада потартас, хоты пенсия манмал пораятн номасн ёхатса, муй щирн там «Силава» охаль ёхат улам ай куртан щимащ шутцаты таха хоятата елды пунштыя рахал. Па щита кашң пуш тый ёхтыдытыя руц па арсыр па мират ёхата-нэңата айкедат вертыя, муй щирн тата катра охалят усат па муй хорасн культура верат тусат.

Ши пораятн Ольга Актаева там Силава ай куртан туп и ай паварт хотлэңкие таймад. Щиты улты-холты кутн Урай вош куцайт 2008-мет талн лув хоцаед ёхатсат па потарсат, хоты луң тылщат сыс ашкудая яңхты няврэмат ураңан Силава курталн рахал шутцаты таха лэщатты. Ши таха Ольга Александровна туса верас, няврэмат япсыена щата усат па шутсасат. Щалта куца ёхладн иса самаңа тайтыя питса па кашң вератн иса нётса. Щиканща ши луң вуш элты кашң айшак муй уншак рупата щирлад лув хоцаед шеңк яма мангыя елды педа питсат. Россия мув доваттыйн улты хоятат кашң луңатн иса тый ёхтыдытыя па шутцатыя там йис охаль курталн вуянтсат.

Щалта ияха актащам финно-угорской писателята Ольга Актаева арсыр айкед тус, хоты катра там Силава курталн Конда мув охалят усат. Тата па аратэлн 16-кем хоттэл ёх улты-холты щирлад лэщатсат. Арпелак хатнэху худ па вой велпасламан муй вонщам отат акатман усат, хотаң войт холыена энмалтсат. Ши тумпийн, тата питы охсарат энмалты хот па тайсат. Имомтыйн 1953-мет тал порайн Силава куртэл лап тухартса. Тата улам хоттэл ёх Половинка курта касалтсат, хота Учинской худ вуты таха ус па рупитас. Щалта па кат тал ёхды педа Луговой куртые элты там Силава курта пирщамам ики ёхтас. Лув

**Югра мув округеван уйтантопсаята ёхтыдыты мойң хоятат «Силава» нэмпи этнопарк таха ванттыя Кондинской района тутлдыйт, мата отэл Урай вош пуңалн ул. Россия арсыр вошат элты щата ёхат па нэңат шутцатыя яңхлат, щита муй иса вантлат. Щиканща ма ищи имолтыйн щита финно-угорской писателят пидан усам.**



Хор: Владимир Енов

Ольга Александровна Актаева финно-угорской писателят пидн.

Ольга Актаева айкед верас, муй щирн там ай охаль куртан сэма питас па айтэлн ус.

Юхат колхоз хоца ох луңатты хоята рупитас. Ши хатнэху ясңат щирн, там Силава куртэлн катра нянь па арсыр мув харыйн энамтыя лэтотат энмалтсайт, колхоз хоца ар лов па пусты мисат иса тайсайт.

Елды Силава нэмпи шутцаты таха куца нэ потартас, хоты Волаң Ляль ёхтам порайн куртэл элты лялясты аратэлн ихощьяң хатнэху китса. И хоятэл ляль сохнам верат юпийн утца щиралн ёхды ёхтас. Щит Ольга Актаева ащел – Александр Кузьмич Белобородов. Щиканща нийд хатнэху холыена сыр-сыр ляль харатн



Волаң Ляльн Силава элты улам ёх нумалматы ураңан верам кев сохал.



Алла Фёдоровна Копьева луңтар ханшты нэ.

холты педа уштасайт. Кат Корчемкины опрац нэм тайм яйңан лялясам таха хоца и хатадн китамтак паратсайңан. Ольга Актаева ащел шуңат катра иса щимащ айкедат вермал, матгы-ки Советской Союз маршал Г.К. Жуков щиты потартас: «Хун Сибирь мув солтанат лялястыя китдам, ма номаслам япсыена мандат. Овс ёхлуд нэмомты лаварт верат элты ант палдат, вецката лялясдат па дый рут мувел самаңа шавитыя хошлат». Юхатшак Ольга Актаева Силава курталн кев сохал лэщатас, ляльн улам ёхат нэмлад щий нох ханшсады. Ши вер тумпийн, ищи сохда лув ляль юпийн дый куртэла ёхтам па колхоз хоца рупитам ху ёх нэмат ищи ханшас. Ванта, ши хоятат ляльн усат па муң мувев ищиты япсыена шавиман тайсат.

Щиты Ольга Актаева мояң ёхата-нэңата «Силава» нэмпи тахайд элты, хоты Конда мувн йис порайн охалят усат, арсыр айкедат тус па вантопса лэщатас.

Владимир Енов ханшам потар

# Номлатдэв... Хоты Ямал мув этас

Ван хатлап тылащ 10-мет хатлна 2025-мет тална муң округу волаң емаң хатлап пилтл. Сот педа вет талды йил, хоты лув Ямало-Ненецкой автономной округ нэмна маса. Щимащ вул хатлап алаңна, номлатдэв хоты Ямал мув олапсы пинтцас.

Ас потты тылащ холмет хатлна 1923-мет тална йилап район этас – Обдорской, лув Топол округ Уральской область хоша лоңалса. Щи порайна Обдорск нэм тайс, саран ясаң эвалт толмащман «Ас сыдна лайты похал», кутап похаллы верса. Мет алаңна лув казакат ораңна верыдыса. СССР этмал юпина, там кутап похал Ямало-Ненецкой автономной округ столицая йис. Ущ тылащ 20-мет хатлна 1933-мет тална Салехард нэмна маса.

Обдорской район хоша Куноватской па Обдорской волостыңан, Таз ёхан сылат па Гыданской край лоңман осат. 1927-мет тална вет туземной райисполком-тузрик верса: Щаня ёхан, Лорвош, Тазовской, касалты Ямальской па Кев. Щи пора эвалт 1930-мет тал маса осат. Ван хатлап тылащ 10-мет хатлна 1930-мет тална Уральской область лоңман Ямало-Ненецкой автономной округ верса, щи хатл эвалт йилап Хон мув Конституция парламент хоша ясаң тайта питас. Щи порайна муң округуна, 1939-мет тална верам перепись хоша эвалта ки 45 щёрс молтас нэңху ос, лув эвалтылад ветхощъёң щёрс касдыман яңхты мур.

Ямал мув экономика, ляль пинтцаты талат алаңна кадаң тащат па худ велты вер эвалт ос. 1931-мет тал эвалт 1940-мет тал маса вай сох лэщатты вер ёң пус энмас.

Волаң Ляль порайна муң ханты нэңхулу сат тоннайт худ па нёха лэщатсат па китсат. Шоши мир нэңхэт па оборона Фонд ораңна ёра ташцал эвалт хутсаткем кадаң, сат щёрс кадаң тахты, вай сохат, кадаң сох эвалт йинтам масайт па па каман сот пормас масат.

Топ Ямало-Ненецкой автономной округ этмал юпина, мет алаң касдыты культура харат этсат – Вурты орхатат. Лув вутн касдыман яңхты нэңхэт нятты ораңна версайт, щи пора эвалт аратэл инцисап-сайт пилна лув хошидал манта масас. Лув ищалтылад амтам волаң вер кутна мет алаң – касдыман яңхты мур луңатта онттада. Щи томпына, Вурты орхататна ропытты мур нэңхэт лечитсат па вай леккар ропатайт версат, щутцаты харат лэщатсат. Нэңхэт пилна ропытты ораңна кутдална саран па ор ясаңна потарсат.

Мет алаң тохлаңхатпат ямальской торамна 1931-1932-мет талатна ёхатсат. Нэңхэт тотлиты ораңна 1964-мет тална Ан-24 лэщатса. Щи пора эвалт нэңхэт Тарко-Сале, Тюмень,



Хор: ru.wikipedia.org

Корты ёс.



Хор: guicketts.ru

Обдорской острог, саран ясаң эвалт толмащман «Ас сыдна лайты похал».



Хор: ru.wikipedia.org

Шоши мир нэңхэт Волаң Ляль порайна сэдк такан нятсат.



Хор: ru.wikipedia.org

Новый Уренгой васна верам мет алаң тохлаңхатпат датты хар «Ягельное», 1975-мет тална ропытта питас.

Тазовской васат педа соклы яңхта веритта питсат. Холна нил тал манмал юпина Москва вас педа ёс пунсса.

Корты ёс муң округу маса 1949-мет тална ёхтас. Корты ёс онтасна овс мув йир обширной Ас-Иртышской бассейн маса вул ёс пунсантас. Чум станция эвалт Ладатнаңк маса хуватл 194 километра. Хон мув хуват тамхатл щит мет такан нядам тайна тайты ёс, щит Сталин пора эвалт хыщам ёс соп, Енисей хоша ласкам «Мёртвая дорога» хоша хайта масас (нэмал Трансполярная магистраль, «Стройка-501»). Воллы верам порайна, пленникат ГУЛАГ эвалт эсламат юпина ласкаса.

Ай кер тылащ 1964-мет тална муң округуна радио ёхтас, Ямал мув турсыйи нэмат-

са. Щита, мет алаң мув шув мощатам вер пуцци лавалтса, хоты Овс мув йилап васат эглат, касдыман яңхты нэңхэт волаң верат пуцци. Лув юпелна, нил тал манмал итна телевидение этас.

Мет алаң окружной комплексной геологоразведочной экспедиция Пулцавтна 1958-мет тална этас, щи пора эвалт Кевна олты топливно-энергетической комплекс знамта питас. Кансантэл эвалт мет ар мув шув мощатта питсат, ун кер тылащ 14-мет хатлна 1962-мет тална Тазовской орна мет алаң мув шув фонтан ропытта питас. Щиты, 1964-мет тал эвалт 1966-мет тал маса вет вул месторождение мощатса, 1968-мет тална па холна холам пунсса.

Муң хоцев 1972-мет тална Натаң районна олты Мойпар месторождение эвалт мет алаң корты турпайт Натаң эвалт Пунгу маса талсайт, 1978-мет тална Уренгой-Натаң газопровод ропытта питас.

Тамхатл Ямал мувна ихощъёң миллиард молтас кубометра мув шув мощатса. Щи онтасна муң округу мир хуват хаста питса.

Вера Лонгортова хансам потар

# Кат эви па Лдон верты ими

Кат эви улаңан, опи па апщи. Апщел хорасаң, опел анта шеңк хорам. Айшак эви опел хоңа ёхтас па ястал:

– Опие, ма тамхатл талта манты лаңхалайм.

– Холта?

– Холта сэмем ныла. Марэмасайм щиты улты.

Шушмас. Шушас, шушас – щикем ям хишаң юша ёхтас. Щи юш хуват манас, манас, лэты лаңхаты питса. Нумасал: «Ин лэдам па елды педа юшем тулэм».

Тут адты юх акатты питас. Лдыйм аңкал шукатас. Аңкал вош илпи элты тур сый худас:

– Хойн щита кур турпаем шукатса? Ты юва!

Мув илпия манас, щита хот, хот лыпийн пирац ими ул, Лдон верты ими. Эви инщасал:

– Ат олм олты манэм хотэна эсалдэн?

– Ола, туп турпаем веры, юх тува, йиңк алта па хотхарэм нох лэхиты.

Эви турпа яма лэщатсалды, юх тус, йиңк алтас, йил одас.

Пирац имийн инщасла:

– Эвие, наң холта педа мантсам, шушсан?

– Ал шушсам, сэмдам ныты таха педа.

– Елды мандан?

– Мандам.


– Наң манэм ям вер версан, ма наңен ищи ям вер вердам. Халэват юш хуват мандан, йи тахайн юшен катна манал – йитал венш пелка, кимет юшал шанш пелка. Наң венша мана. Шуша, шуша, шик унтан катра ампар хоңа ёхатдан. Ампар лыпия лоңа, щита арсыр даращат омаслат – хойтылад сорнеңат, хойтылад хулэңат. Наң мет хулэң даращ вуя, сорнең от ал вуя. Ёхлы шушты питдан, лаңкет, нохар лэты нэңат увты питдат: «Тыел керла, муң вантлэв, муй хорпи наң!» Наң

юшен елды туви, лув педаел ал аңкарма, лув пилдалан ал потарта.

Эви шушмас. Имомтыйн юш ёхарта ёхтас, йи юшал венша манал, йитал шанша. Лув венша манас. Унт ампар хоңа ёхтас, лыпия лоңас. Щита ар даращ омасал, камн хорпет – сорнеңат, хулэңат. Эвие мет атам даращ лэңки алэмасды. Ёхлы шушал, лаңкет, нохар лэты нэңат лувел хоят тур сыйн увдат:

– Эвие, муң педаев сора аңкарма, муң наңен вантты лаңхалаюв!

Эви нэмалты ант ястас, елды шушал. Шушас, шушас, пи-



– Нох кила, нэңие, ма лэты лаңхалайм.

Эви нумасал: «Ахой щит?»

Нох килас: хотадан хорасаң ху омасал. Эви нох амтас, щикем хорам ху уйтас. Лэтит кавартас, ху лапатсалды. Опел шиялас, апщел турпа элты пусаң польйл, йи нэңал хоңа хухалмас, инщасал:

– Хота наң щимащ хорасаң ху уйтсан?

Апщел ястал:

– Пирац ими хоңа мана, лув наңен ястал, хоты нэрыты мосал.

– Наң икен манэм мийи!

– Анта, ант малэм!

Нэңңан кутарматы питсаңан. Ун эви апщел нампра куншсалды. Ху ай нэңал аратыты питсалды:

– Ма ищипа наң пилэнан улты ант питдам, мана йи пелка талта.

Опел ликащас па ёхи манас. Катңан улты питсаңан. Ешауд уншак нэңал нопсал яммас, апщел хоңа ёхтас, инщасалды, холта лув ху каншты яңхас.

Опел ищи апщел яңхам юш хуват шушмас. Ям так, хишаң юш. Шуштад элты, самал вохты питса. Нумасал: «Ин юх акатдам, тут алдам, шай кавартдам».

Лдыйм аңкал шукатты питас, аңкал вош илпи элты тур сый худас:

– Хой щита турпаем шукатдалды? Ты юва!

Энамты нэ мув илпи хота лоңас, щита пирац ими ул, Лдон верты ими. Эви инщасал:

– Ат олм олты манэм ёхи эсалдэн?

– Эсалдэм, туп турпаем яма лэщаты, хотхарэм лэхиты, йиңк алта.


(Елды па ул)

Валентина Рохтымова лэщатсалды

рац имел хоңа ёхтас. Хоты яңхас, иса лувел потартсалды.

– Ям щи, эвие, яма версан. Ёхи ёхатдан, даращиян осам хир илпия поны, нэмомты хоята щит элты ал потарта.

Лув ёхи ёхтас, опел хоңа ант лоңтыйс, мохты ил одас. Алаңсахат одал, худал, ахойн курыйта:



# Арэн ал нумман ант этал

Там лопасан Лидия Егоровна Нева (Сязи) ханшам дуңтарат понлув. Питлор куртаң, «Пащар юх» группа нэңдал, тащан яңхам улапса па улты мувал элты ара лэсытам дуңтарат понлув.



Хор: Лидия Нева

Лидия Егоровна Нева

## Питлор восаң ханты ныңлуд

Муң куртаң вул имилув,  
Питлор восаң ханты ныңлуд  
Худ велдысат, вой энмалсат,  
Хорам верты ёнты тусат,  
Арыты па юкты хослат.

Восты няда хорпи ернас  
Худ сом иты ад волийл.  
Падаң лопас хорпи охсам  
Вот хомп иты ад лемпийл.

Кас верты муң вутчилув,  
Арыты щи пинчалув.  
Муң пелдаев вантаты,  
Ям номасна опсаты.

## Пащар юх

Муң куртэв доватна  
Энмал тата пащар юх.  
Щицкетна датла,  
Нэңхетна вантла,  
Умаш вантты, сэм амтоп.

Рэхдад этты порайна,  
Туң кар иты дойилдат.  
Щитна муң арыты группаев,



«Пащар юха» уллитал.  
Муң эттэв порайна,  
Сам амтоп ат ултал.

Щимащ урхот ки, ант  
тайсат,  
Хоты тащдал савилдысат.  
Тащ савиты ар рут мурэв –  
Урат, хантэт, саранат.

Асна, Кевна, ур мув хоца  
Асса усат ур хотна щи.  
Тащел, воел, худ велдысат,  
Ур хотна лув век уллисат.

Сора верлад ил паятла  
Дэлда хусла ил паятла  
Тутал алда, сай кавартла,  
Щиты лув щи тайилдыла.

Ясцев, потрэв толмашдыла,  
Улапсаев кунамтыла.  
Урна дойты ай ур хотэв  
Лув питчаял, век  
ант ушда.

## Вул имийи

Вотэм охпи вул имийи,  
Па щи ёнтасты омсас.  
Сасл элты сохдал,  
Пасты кесал алэмас,  
Йинтпал вус па донал  
пувтас,  
Ядал елащ сухтантас.

Ёнттал хуват нумасыйс,  
Хоты, хата уллийс...  
Няврэмлад лув энмалтман,  
Камн хорпи сох верас,  
Ёслад, курдал хосмалтас,  
Рутлад элты ел мойдас ....

Лидия Нева ханшам дуңтарат



Катра тэдна гайты ур хот итта ты моса тайла.



Хор: Альбина Тырлина

«Пащар юх» арыты нэңат.

Вантаты, худантаты,  
Хоты муң веритлуд.  
Манылуд, арылуд  
Ям вещькат номас  
Нынан муң ат хийлуд...

## Ур хот

Катра тэдна тайты ур хот  
Итта ты моса тайла,  
Тадан вотна ропсалда,  
Дуңан ертна щёсчалда,

### Газета «ЛУХ АВТ»

Адрес редакции:  
629003, ЯНАО,  
г.Салехард,  
мкр. Богдана Кнуянца,  
д.1, каб.106  
(34922) 4-68-63

E-mail:  
luh.avt@yamal-media.ru

Учредитель  
Департамент внутренней политики  
Ямало-Ненецкого автономного округа  
(629008, ЯНАО, г.Салехард, пр-кт Молодёжи,  
д.9, каб.708)

Газета зарегистрирована  
Управлением федеральной службы по надзору  
в сфере связи, информационных технологий  
и массовых коммуникаций по Тюменской  
области, ХМАО-Югре и ЯНАО  
19 апреля 2012 года  
Регистрационный ПИ № ТУ72-00558

Тираж 1300 Заказ 1592  
Подписные индексы:  
на год – ПА700, на полугодие – ПР561

№ 44 (1295)  
Газета вышла в свет 1 ноября 2025г.  
Подписано в печать 30 октября 2025г.  
по графику: 16.00  
фактически: 16.00  
Газета выходит по субботам

Цена годовой подписки 88 руб.,  
в розницу не распространяется

Издатель  
Департамент внутренней политики ЯНАО  
(629008, ЯНАО, г.Салехард,  
пр-кт Молодёжи, д.9, каб.708)

Отпечатано в АНО «Ямал-Медиа»  
Юридический адрес: 629003, Ямало-  
Ненецкий автономный округ, г. Салехард,  
мкр. Богдана Кнуянца, д.1, каб.106

Фактический адрес: 629007, Ямало-  
Ненецкий автономный округ, г. Салехард,  
ул. Чубынина, д.39А

И.о. генерального  
директора  
АНО «Ямал-Медиа»  
Чигиринова Елена  
Константиновна

И.о. главного  
редактора  
Рохтымова Валентина  
Геннадьевна